

欽定舊唐書

卷之十
三十八

舊唐書卷三十八

後晉司空同中書門下平章事劉 昫撰

志第十八

地理一

王者司牧黎元方制天下列井田而底職貢分縣道以
控華夷雖皇墳帝典之殊塗禹貢周官之異制其於建
侯胙土頒瑞剖符外湊百蠻內親九牧古之元首咸有
意焉然子弟受封周室竟貽於衰削郡縣爲理秦人不
免於敗亡蓋德業有淺深制置無工拙殷周末爲得秦
漢未爲非撫實而言在哲后守成而已謹詳前代隆平

之時校今日耗登之數存諸戶籍以志休期昔秦并天下
襲地爲四十九郡郡置守尉以御史監之其地西臨
洮而北沙漠東縈南帶皆際海濱漢興以秦郡稍去析
置郡國武帝斥越攘胡土宇彌廣哀平之季凡郡國百
有三縣千三百一十四道三十二侯國二百四十一而
諸郡置十三郡刺史分統之

謂司隸并荆兗豫揚冀青
徐益交梁幽等十三州

漢地東西九千三百二里南北一萬二千三百六十八
里後漢郡國百有五縣道侯國千一百八十六亦如西
京之制置十三州刺史以充郡守其地廣袤亦如前制
曹魏之時三分鼎峙淮漢之間鞠爲闕壤洎太康混一

尋陷胡戎南北分爭何暇疆理三百年間廢置不一及隋氏平陳寰區一統大業三年改州爲郡亦如漢制置司隸刺史以糾郡守大凡隋簿郡百九十縣一千二百五十五戶八百九十萬七千五百三十六口四千六百一萬九千九百五十六其地東西九千三百里南北一萬四千八百一十五里東南皆際大海西至且末北至五原隋氏之極盛也及大業季年羣盜蜂起郡縣淪陷戶口減耗高祖受命之初改郡爲州太守並稱刺史其緣邊鎮守及襟帶之地置總管府以統軍戎至武德七年改總管府爲都督府自隋季喪亂羣盜初附權置州

郡倍於開皇大業之間貞觀元年悉令併省始於山河形便分爲十道一曰關內道二曰河南道三曰河東道四曰河北道五曰山南道六曰隴右道七曰淮南道八曰江南道九曰劔南道十曰嶺南道至十三年定簿凡州府三百五十八縣一千五百五十一至十四年平高昌又增二州六縣自北殄突厥頡利西平高昌北踰陰山西抵大漠其地東極海西至焉耆南盡林州南境北接薛延陀界凡東西九千五百一十里南北萬六千九百一十八里高宗時平高麗百濟遼海已東皆爲州俄而復叛不入提封景雲三年分天下郡縣置二十四都

督府以統之議者以權重不便尋亦罷之開元二十一年分天下爲五十道每道置採訪使檢察非法如漢刺史之職

京畿採訪使

理京師城內

都畿

理東都城內

關內

以京官遙領

河南

理汴

河東

理蒲州

河北

理魏州

隴右

理鄯州

山南東道

理襄州

山南

西道

理梁州

劔南

理益州

淮南

理揚州

江南東道

理荊州

江南西

道

理洪州

黔中

理黔州

嶺南

理廣州

又於邊境置節度經略使

式遏四夷

凡節度使十經畧守捉使三

大凡鎮兵四十九萬人戎馬

八萬餘疋每歲經費衣賜則千二十萬疋段軍食則百

九十萬石大凡千二百一十萬

開元已前每年邊用不過二百萬天寶中至於

是安西節度使撫寧西域統龜茲焉耆于闐疎勒四國

安西都護府治所在龜茲國城內管戍兵二萬四千人

馬二千七百疋衣賜六十二萬疋段焉耆治所在安西

府東八百里于闐在安西府南二

千里疎勒在安西府西二千餘里北庭節度使防制突

騎施堅昆斬管瀚海天山伊吾三軍北庭節度使所治

兵二萬人馬五千疋衣賜四十八萬疋段突騎施牙帳

在北庭府西北三千餘里堅昆斬在北庭府北七千里

東北去斬啜干七百里瀚海軍在北庭府城內管兵萬

二千人馬四千二百疋天山軍在西州城內管兵五千

人馬五百疋伊吾軍在伊州西北三

百里甘露川管兵三千人馬三百疋河西節度使斷隔

羌胡統赤水大斗建康寧寇玉門墨離豆盧新泉等八

軍張掖交城白亭三守捉河西節度使治在涼州管兵

疋衣賜歲百八千萬疋段赤水軍在涼州城內管兵三

萬三千人馬萬三千疋大斗軍在涼州西二百餘里管

兵七千五百人馬四千四百疋建康軍在涼州西百二里管兵五千三百人馬五百疋寧寇軍在涼州東北千餘里玉門軍在肅州西二百里管兵五千二百人馬六百疋墨離軍在瓜州西北千里管兵五千五百人馬四百疋豆盧軍在沙州城內管兵四千三百人馬四百疋新泉軍在會州西北二百餘里管兵千人張掖守捉在涼州南二里管兵五百人交城守捉在涼州西二百里管兵千人白亭守捉在涼州西北五百里管兵千七百人朔方節度使捍禦北狄統經畧豐安定遠西受降城東

受降城安北都護振武等七軍府

朔方節度使治靈州管兵六萬四千七百

人馬四千三百疋衣賜二百萬疋段經畧軍理靈州城內管兵二萬七百人馬三千疋豐安軍在靈州西黃河外百八十里管兵八千人馬千三百疋定遠城在靈州東北二百里黃河外管兵七千人馬三千疋西受降城在豐州北黃河外八千里管兵七千人馬千二百疋安北都護府治在中受降城黃河北岸管兵六千人馬二千疋東受降城在勝州東北二百里管兵七千人馬千七百疋振武軍在單于東都護府城內管兵九千人馬

千六河東節度使
百疋河東節度使
角朔方以禦北狄
統天兵大同橫

野岢嵐等四軍
忻代嵐三州雲中守捉
河東節度使治太原府管兵五

萬五千八馬萬四千疋
衣賜歲百二十六萬疋
段軍糧

五十萬石天兵軍理太原府
城內管兵三萬人馬五千

五百疋雲中守捉在單于府
西北二百七十里管兵七

千七百八馬二千疋大同軍
在代州北三百里管兵九

千五百八馬五千五百疋
橫野軍在蔚州東北一百四

十里管兵三千八馬千八百疋
忻州在太原府北一百八

十里管兵七千八百人代州
至太原府五百里管兵四

千人嵐州在太原府西北二百
五十里管兵三千人岢

嵐軍在嵐州北百
里管兵一千人

范陽節度使
臨制奚契丹統經畧威

武清夷靜塞恒陽北平高陽唐興橫海等九軍
范陽節度使理

幽州管兵九萬一千四百八馬
六千五百疋衣賜八十

萬疋段軍糧五十萬石經畧軍
在幽州城內管軍三萬

人馬五千四百疋威武軍在檀
州城內管兵萬人馬三

百疋清夷軍在鵠州城內管兵
萬人馬三百疋靜塞軍

在鄴州城內管兵萬六千人馬五百疋恒陽軍在恒州城東管兵三千五百人北平軍在定州城西管兵六千人高陽軍在易州城內管兵六千人唐興軍在漢州平城內管兵六千人橫海軍在滄州城內管兵六千人

盧軍節度使鎮撫室韋靺鞨統平盧盧龍二軍榆關守

捉安東都護府

平盧軍節度使治在營州管兵萬七千五百人馬五千五百疋平盧軍在營州

城內管兵萬六千人馬四千二百疋盧龍軍在平州城內管兵萬人馬三百疋榆關守捉在營州城西四百八十里管兵三百人馬百疋安東都護府在營州東二百七十里管兵八千五百人馬七百疋隴右節

度使以備羌戎統臨洮河源白水安人振威威戎莫門

寧塞積石鎮西等九軍綏和合川平夷三守捉

隴右節度使在

鄴州管兵七萬人馬六百疋衣賜二百五十萬疋段臨洮軍在鄴州城內管兵萬五千人馬八千疋河源軍在鄴州西百二十里管兵四千人馬六百五十疋白水軍在鄴州西北二百三十里管兵四千人馬五百疋安人

軍在鄯州界星宿川州西兵萬人馬三百五十疋振威
軍在鄯州西三百里管兵千人馬五百疋威戎軍在鄯
州西北三百五十里管兵千人馬五十疋綏和守捉在
鄯州西南二百五十里管兵千人合州守捉在鄯州南
百八十里管兵千人莫門軍在洮州城內管兵五千五
百人馬二百疋寧塞軍在鄯州城內管兵五百人馬五
十疋積石軍在鄯州西百八十里管兵七千人馬三百
疋鎮西軍在河州城內管兵萬一千人馬三百疋平夷
守捉在河州西南四
千里管兵三千人 劔南節度使西抗吐蕃南撫蠻獠
統團結營及松維蓬恭雅黎姚悉等八州兵馬天寶平
戎昆明寧遠澄川南江等六軍鎮 劔南節度使治在成
人馬二千疋衣賜八十萬疋段軍糧七十萬石團結營
在成都府城內管兵萬四千人馬千八百疋翼州管兵
五百人茂州管兵三百人維州管兵五百人天寶軍在
恭州東南九十里管兵千人梧州管兵五百人松州管
兵二千八百人平戎城在恭州南八十里管兵千人雅
州管兵四百人當州管兵五百人黎州管兵千人昆明

軍在雋州南管兵五千一百人馬二百疋寧遠城在雋州西管兵三百人姚州管兵三百人澄州守捉在姚州東六百里管兵二千人悉州管兵五千人南江郡管兵三百人嶺南五府經畧使綏靜

夷獠統經畧清海二軍桂管容管安南邕管四經畧使

五府經畧使治在廣州管兵萬五千四百人輕稅本鎮以自給經畧軍在廣州城內管兵五千四百人清海軍在思州城內管兵二千人桂管經畧使治在桂州管兵千人容管經畧使治在容州管兵千一百人安南經畧使治在安南都護府即交州管兵四千二百人長樂經畧使治在安南邕管入經畧使管兵七百人

管兵千五百人

東萊守捉

萊州刺史領之管兵千人

東牟守捉

登州刺史領之管兵千人

至德之後中原用兵刺史皆治軍戎遂有防禦團練制

置之名要衝大郡皆有節度之類寇盜稍息則易以觀

察之號東都畿汝防禦觀察使

領汝州東都留守兼之

河陽三城

節度使

治孟州
孟懷二州

宣武軍節度使

治汴州
宋亳潁四州

義成軍

節度使

治滑州
鄭濮三州

忠武軍節度使

治許州
陳蔡三州

天平

軍節度使

治鄆州
齊曹棣四州

兗海節度使

治兗州
海沂密四州

武寧

軍節度使

治徐州
泗濠宿四州

平盧軍節度使

治青州
青登萊四州

州節度使

治陝州
陝虢二州

潼關防禦鎮國軍使

華州
史領之

同州

防禦長春宮使

同州
史領之

鳳翔隴節度使

治鳳翔府
鳳翔府隴州

寧節度使

治邠州
鄭坊丹延衍等州

涇原節度使

治涇州
原渭武四州

朔方節度使

治靈州
豐會麟勝單于府等州

河中節度使

治河
中府

管蒲晉絳

昭義軍節度使

治潞州
邢洛磁五州

河東節度使

治太原府
沁嵐石忻憲等州

大同軍防禦使

雲州
管雲蔚朔三州

魏博

節度使

治魏州管魏貝博相瀟衛六州

義昌軍節度使

治滄州管滄成景德三州

軍節度使

治恒州領恒趙冀深四州

義武軍節度使

治定州領易祁二州

幽州

節度使

治幽州管涿幽瀛莫檀薊平營嬀順等十州

山南西道節度使

治興元府

管開通渠興集鳳洋蓬利壁巴閬果金商等州

山南東道節度使

治襄州管襄復均房鄧唐

隨郢等州元和中和淮蔡用兵

荆南節度使

治江陵府管歸夔峽忠萬

澧朗等州使

劍南西川節度使

治成都府管彭蜀漢眉嘉資簡維茂黎雅松伏

親王領之

文龍戎翼邛崃姚柘恭當悉

劍南東川節度使

治梓州管梓綿

奉疊靜等州使

武昌軍節度使

治鄂州管鄂岳黃安申光等州

淮南節度使

使

治揚州管揚楚滁和舒壽廬等州使親王領之

浙江西道節度使

治潤州管潤蘇常杭

湖等州或爲觀察使

浙江東道節度使

治越州管越衢婺溫台福明等州或爲觀察使

建觀察使

治福州管福建
泉州江漳等州

宣州觀察使

治宣州管宣
歙池等州江

南西道觀察使

治洪州管洪饒吉江袁信虔撫
等州喪亂後時升爲節度使

湖南觀

察使

治潭州管潭衡柳
連道永邵等州

黔中觀察使

治黔州管涪溪恩
費辰錦番施珍夷

葉秦南
無等州

嶺南東道節度使

治廣州管廣韶循崗恩春賀
朝端藤康封瀧高義新勤寶

等嶺南西道桂管經畧觀察使

治桂州管桂韶蒙富梧
潯龔鬱林平琴賓澄繡

象柳融
等州

邕管經畧使

治邕州管邕桂黨橫
田嚴山立羅潘等州

容管經畧使

治容州管容辦白牢
欽巖周湯攘古等州

安南都護節度使

治安南府管交
武峩川粵芝愛

日福祿州長峯陸廉雷籠
環崖僭振瓊萬安等州

上元年後河西隴右州郡悉

陷吐蕃大中咸通之間隴右遺黎始以地圖歸國又析

置節度秦州節度使

治秦州管秦
成階等州

涼州節度使

治涼州
管西洮

鄯臨河等州

瓜沙節度使

治沙州管沙瓜甘肅蘭伊岷廓等州

乾符之後天下

亂離禮樂征伐不自朝廷禹迹九州瓜分鬻剖或併或

析不可備書今舉天寶十一載地理唐土東至安東府

西至安西府南至日南郡北至單于府南北如前漢之

盛東則不及西則過之

漢地東至樂浪玄菟今高麗渤海是也今在遼東非唐土也漢

境西至燉煌郡今沙州是唐土又龜茲是西過漢之盛也

開元二十八年戶部計帳

凡郡府二百二十有八縣千五百七十有三羈縻州郡

不在此數戶八百四十一萬二千八百七十一口四千

八百四十四萬三千六百九應受田一千四百四十萬

三千八百六十二頃一十三畝雖未盈兩漢之數晉魏

以來斯爲盛矣永泰之後河朔隴西淪於寇盜元和掌計之臣嘗爲版簿二方不進戶口莫可詳知今但自武德已來備書廢置年月其前代沿革畧載郡邑之端俾職方之臣不殆於顧問耳

十道郡國

關內道一

河南道二

關內道

京師 秦之咸陽漢之長安也隋開皇二年自漢長安故城東南移二十里置新都今京師是也城東西十八里一百五十步南北十五里一百七十五步皇城在西